

Kekchi - Xk'a'uxl Li Us Santil Hu - Good Mind Scriptures

Levítico 24:12 Toja' naq kik'ame'k chiru laj Moisés ut kik'ehe'k sa' tz'alam toj taayeemanq xb'aan li Qaawa' k'aru tento xb'aanunkil re.

Deuteronomio 18:6 "Wi junaq aj Leví taachalq chaq sa' junaq reheb' laatenamit, sa' xsutam Israel, ut taa'ok sa' li na'ajej sik'b'il ru xb'aan li Qaawa', xb'aan naq jo'kan x'alaak sa' xch'ool,

Rut 1:18 Naq lix Nohemí kixk'e reetal naq lix Rut kaw xch'ool chi rochb'eeninkil, ink'a' chik kirelaji ru.

1 Crónicas 28:9 Ut laa'at Salomón, at walal, chanaw ru li xYos laayuwa' ut tatk'anjelaq chiru chi chaab'il ut chi anchal aach'ool, xb'aan naq li Qaawa' nalajxtz'ili li xch'ool chixjunileb' ut ch'olch'o chiru li xk'a'uxl ut xna'leb' li junjunq. Wi laa'at taasik' li Yos, a'an tixk'ut rib' chawu; ab'an wi taatz'eqtaana, a'an tatxtz'eqtaana ajwi' laa'at chi junajwa.

Nehemías 4:6 Jo'ka'in naq kiqawaklesi li xsuttz'akil Jerusalén li kiwulak sa' xyiitoq li xteram. K'ajo' naq ke'xk'e xch'ool li tenamit chi k'anjelak.

Job 23:13 Li k'aru naraj xb'aanunkil li Yos, naxb'aanu. Ani taaramoq chiru xb'aanunkil li rajom?

Proverbios 29:11 Li maak'a' xna'leb' sa' junpaat najosq'o'k; ab'an li wank xna'leb' naxkuy rib'.

Isaías 26:3 Kaw xaqxo li xpaab'aaleb', ut laa'at, at Qaawa', nakak'e reheb' li wank sa' tuqtuukilal xb'aan naq k'ojk'o xch'oooleb' aawik'in.

Marcos 5:15 Ke'wulak wan wi' li Jesus, ke'xka'ya li winq li kirahob'tesiik xb'aan laj tza, a' li eechanib'il chaq xb'aan jun tuub' chi maa'us aj musiq'ej, chunchu aran, tiqto ut tuqtu chik li xjolom: ut ki'ok xxiweb'.

Lucas 8:35 Ke'elk ut li poyanam chi rilb'al li kik'ulmank, ke'wulak wan wi' li Jesus ut koxe'xtaw li winq li ke'elk wi' eb' laj tza, chunchu, chi roq li Jesus, tiqto ut tuqtu chik li xjolom. Ut ke'ok xxiw.

Hechos 17:11 Eb' a'in q'axal q'uneb' xch'ool chiruheb' li wankeb' Tesalónika: ke'xk'ulub'a li Aatin chi anchaleb' xch'ool, yookeb' chi xtz'ilinkil xsa' li Santil Hu rajlal kutan re rilb'al ma yaal li naxye laj Pablo.

Hechos 20:19 Xink'anjelak chiru li Qaawa' chi q'axal kub'enaq inwankil, rik'in xya'al wu ut rik'in li k'iila yale'k xchalk sa' inb'een xb'aan xra'aleb' laj Judiyy.

Romanos 7:25 Ninb'anyoxi chiru li Yos sa' xk'ab'a' li Jesukriist, li Qaawa'. Naraj naxye, rik'in link'a'uxl yookin chi xk'anjelankil xchaq'rab' li Yos, ab'anan xb'aan xmajelal inna'leb' yookin chi xk'anjelankil xchaq'rab' li maak.

Romanos 8:6 Wi naqataaque li k'a' re ru naxrahi li tz'ejwalej, a' li kamk toxooraqe'q wi'; ab'an wi naqataaque li naxrahi li musiq'ej, tqataw li yu'amej ut

li tuqtuukil usilal.

Romanos 8:27 Ut li Yos, li ch'olch'o chiru k'aru wank sa' ch'ookej, naxnaw k'aru xk'a'uxl li Musiq'ej, xb'aan naq li Musiq'ej natijok chirixeb' laj santil paab'anel jo' chanru naraj li Yos.

Romanos 11:34 Ani xnawok re li k'aru wank sa' xch'ool li Qaawa'? Ani xk'ehok xna'leb'

Romanos 12:2 Ut meek'am eere rik'in li ruuchich'och' a'in, chejal b'an leeyu'am, che'ak'ob'resi leena'leb' re naq teenaw xk'eeb'al reetal k'aru naraj li Yos: a' li b'arwan us, nawulak chiru ut tz'aqal re ru.

Romanos 12:16 Wanqex sa' aatin cherib'il eerib', mexq'etq'eto'k, cherahaq b'an li k'aru kub'enaq xwankil; meek'oxla eerib' chi numtajenaq eena'leb'.

Romanos 14:5 Wank neke'k'oxlank re naq q'axal loq' junaq kutan chiruheb' li xkomon; ut wank ajwi' neke'k'oxlank re naq juntaq'eet xloq'al chixjunileb' li kutan. Ab'anan li junjung chixk'uub' rib' chi chaab'il sa' li xk'a'uxl.

Romanos 15:6 re naq junajaq leech'ool junajaq xyaab' leekux naq teenima ru li Yos, a' li xYuwa' li Qaawa' Jesukriist.

1 Corintios 1:10 Ex was wiitz'in, nintz'aama cheru sa' xk'ab'a' li Qaawa' Jesukriist naq junajaq ru leeraatin, maak'a'aq li jachok ib' sa' eeyanq, wanqex b'an sa' junajil rik'in leek'a'uxl ut leena'leb'.

1 Corintios 2:16 Naxye li Santil Hu: "Ani xnawok ru xk'a'uxl li Qaawa'? Ani taaruhanq chi xk'eeb'al xna'leb' A'an?". Ab'anan laa'o wank xk'a'uxl li Kriist qik'in.

2 Corintios 7:7 ut moko ka'aj ta wi' rik'in li xk'ulunik, rik'in aj b'an wi' xk'ojlajik xch'ool eerik'in laa'ex. Laa'ex nikineek'oxla, q'axal nikineera, ra nekereek'a chirix li xk'ulmank: a'an a'in li xseeraq'i we laj Tito, jo'kan naq q'axal chik xsaho'k linch'ool.

2 Corintios 8:12 Xb'aan naq wi wank k'aru na'alaak sa' xch'ool anihaq, a'an k'ulb'il chi chaab'il xb'aan li Yos sa' xk'ab'a' li jo'ch'inal jo'nimal wank re; ink'a' napatz'mank li maak'a' wank re.

2 Corintios 9:2 xb'aan naq ak ninnaw naq chi anchal eech'ool nekeraj xtenq'ankileb'. A'an a'in li ninnima wi' wib' chiruheb' laj Macedonia. Xinye reheb' naq ak laa'ex aj Akaya chalen junhab'er ak kawresinb'ilex chi xtenq'ankileb' laj santil paab'anel. Ut naab'aleb' aj Macedonia xe'eek'asiik xch'ool xb'aan leerahom.

2 Corintios 13:11 Ex was wiitz'in, chisaho'q sa' leech'ool, tz'aqalaq eere eeru, chek'e xkawub' leech'ool, junajaq ru leek'a'uxl, wanqex sa' tuqtuukilal, ut li Yos li nak'ehok li rahok ut li tuqtuukilal taawanq eerik'in.

Efesios 4:23 Ak'ob'resinb'ilaq taxaq leek'a'uxl xb'aan li Musiq'ej

Filipenses 2:2,3 Jo'kan naq nintz'aama cheru naq chetz'aqob'resi xsahilal inch'ool, junajaq ru leek'a'uxl, leeraanm ut leemusiq' sa' li rahok. 3 Mik'a'

eeb'aanu sa' q'etq'etil chi moko yal re xnimob'resinkil eerib', chekub'siiq b'an eewankil; li junjunq tixk'oxla naq eb' li xkomon q'axal ninqeb' chik xwankil chiru.

Filipenses 4:2 Nintz'aama chiru lix Evodia jo' ajwi' chiru lix Síntike, naq junajaq xk'a'uxeb' jo' naraj li Qaawa'.

Filipenses 4:7 Ut li tuqtuukil usilal li nachalk rik'in li Yos ut naxq'ax ru chixjunil li na'leb', tixk'uula leech'ool ut leek'a'uxl rik'in li Kristo Jesus.

Colosenses 3:12 Li Yos q'axal nekexra ut kixsik' eeru re naq santaqex. Tiqib'omaq b'i' eerib' rik'in xanimal uxtaanal, rik'in li usilal, li tuulanil, kub'enaqaq eewankil ut nimaq eekuyum.

2 Tesalonicenses 2:2 naq meejal eek'a'uxl sa' junpaat chi moko chexib'e eerib' rik'in junaq xanimal reetalil li Musiq'ej, chi moko rik'in junaq aatin malaj hu kama' ta li taqlanb'il qab'aan, chanchan tawi' yooko chi xyeeb'al naq ak xtaw xq'ehil xkutankil li Qaawa'.

2 Timoteo 1:7 Xb'aan naq moko li xiwak ta xqamaatani chaq rik'in li Yos, a' b'an li xkawub' qach'ool, li rahok ut kuyuk ib'.

Tito 2:6 Chak'e ajwi' xna'leb'eb' li saaj winq re naq te'wanq sa' tiikilal sa' chixjunil.

Hebreos 8:10 A'an a'in li Sumwank li tink'ojob' rik'ineb' li ralal xk'ajol laj Israel moqon, chirixeb' li kutan a'an, chan li Qaawa': Tink'eheb' linchaq'rab' sa' li xk'a'uxeb', ut tintz'iib'a sa' xch'ooleb'. Laa'inaq li xYoseb' ut a'anaqeb' lntenamit.

1 Pedro 1:13 Jo'kan utan, aj'ajaq ru leek'a'uxl ut tuqtuuq leech'ool. Chiwanq xanimal eeroyb'enihom rik'in li usilal taak'ehe'q eere xb'aan li Yos, naq tixk'utb'esi rib' li Jesukriist.

1 Pedro 5:2 cheberesiheb' li xkarneer li Yos k'eeb'ileb' cheril ut chek'aak'aleheb' chi ink'a' yal minb'ilaq eeru, chi anchalaq b'an eech'ool jo' naraj li Yos; moko re ta xsik'b'al eetumin, sa' eech'ool b'an chi'alaq;

2 Pedro 3:1 Ex was wiitz'in raarookex inb'aan, a'in li xcab' inhu nintz'iib'a eerik'in. Sa' li wiib' yookin chi rajsinkil eech'ool xb'aan li tiikil k'a'uxl, rik'in li k'aru ninjultika cheru.

Apocalipsis 17:9 "Arin na'ajmank ru li seeb'al ch'oolej: li wuqub' chi jolomej a'aneb' wuqub' chi tzuul k'ojk'o wi' li ixq. A'aneb' ajwi' wuqub' chi awab'ej: